

68 augen. do pat er den almaechtigen got wer der
mensch waer der seinen namen an rüeffet und
pei im trüg daz der chainen gepresten noch
wetagen nicht leiden solt an seinen augen.
in dez selben namen und eren pit ich dich
herre durch seiner marter eren willen daz
du disem menschen vertribest und vertilgest
elli seineu mail und wetagen In dem namen
dez vaters + und dez suns + und dez heiligen
geystz amen. sprich aber als vor geschriben
stet mit akker erdtreich und mit der spay-
cheln. dar nach sprich den pater noster daz
ave maria und den gelauben Und tü ez drey tag
nach einander und piz sicher daz dir paz wirt
an allen zweifel.
Du seist ein zingl ein vel ein mayl ein
augwe so gepeut dir die vil heilige sel die
datz Betlehem geporn wart in dem heyligen
jordan getauft wart Jhesus Christ genant wart
der den himel besezzen hat. dast fuder streichst
und fuder weichst und dez tagez an .N. nicht
enpeitzt dez helf mir der wor man der den
tod an dem heiligen chraeutz nam. und die
gut dez heiligen christz müter.